



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. Obedientia juuari ægrotos, inobedientia dejuuari.

urn:nbn:de:hbz:466:1-45701

lucis fuerat transfiguratus. Prior vero captus admiratione, ac quādam commiseratione illius, aliquantulum lenitus iussit ipsum stratum ascendere. Ex hoc enim tantam membrorum debilitatem contraxerat, sicq; humores indurati fuerant, ut vix spiritum ad quiescendum haberet. Tertiā nocte Diabolus, ut prioribus, adfuit: quem ut conspergit Vir sanctus (jam in increpationes proruperat) ait: O nequissime generis humani hostis, o impudice canis, o immunda bellua, quomodo meam ausus es simplicitatem deludere, cen Zelum qualemcumq; erga Ordinem praeferebas? & ego quidem nisi hoc Omnipotens DEI dispensatio permisisset, sapientius aduertissem, quod multo melior est obedientia, quam stultorum victima: & in eius faciem exspuens eum fanguit. Post paucos autem dies conualescens, iter cœptum perfecit.

Nimirum corrumpitur atque dissoluitur imperantis officium, si quis ad id, quod facere jussus est, non obsequio debito, sed consilio non considerato responderet. At deceptus est Iordanus; ab Angelo se moneri putauit; & videbatur ad perfectiora aetatem moneri; denique ipse Generalis, ac proinde Prioris illius Superior erat: nihil ergo admodum referre putabat, si de molli lecto surgeret, & in terram se abijciens humili cubaret. Cum ergo putaret se bene agere, male agebat, quia non Deo, sed diabolo obediebat. Atque idcirco non ad sanitatem, sed in peius promouebatur; quemadmodum ille alter monachus, qui venam sibi valetudinis caussa curauerat aperiri, sine permisso Superioris, quod S. Odo illius Cluniacensis monasterij Abbas regre tulit. Quare monachus, fluxione sanguinis, qui nulla fisti potuit arte, obedientiae violatae pœnam obiit. In utramque igitur partem utendum, vel non utendum est medicina; semper tamen obedientia comitante, quæ nos dicit ad vires, quibus Deo seruiamus; & consilia medicorum dirigit ad eos effectus, quidivinam & potentiam & bonitatem, etiam in naturalibus auxilijs illustrent. Et illustrauit sape, apud eos, qui medicorum cura periculis morbis liberati, Deo grati extiterunt; cum & munera ad aras & templa ferrent; & votis se exoluerent; & pauperibus largitiones amplas facerent; aut denique etiam vitam, quam depositam jam deploratamq;, per industrias medicorum, non sine singulari Dei auxilio, recuperarunt, postea omnino divino cultui consecrarent.

VIII.

Ioan. Mon.
lib. 3. vitz S.
Odonis c. 2.
Sur 18. Nou.

Restat